

古今大政志序

有和扁之能者可以已疾有伊呂之才者可以觀國察一脈之  
苑枯而人身之壽夭可知矣覽一隅之得失而天下之存亡可  
見矣三代之政優柔而縝密末流之政鹵莽而麤疎漢唐以來  
豪傑之士皆受任於立談之頃而貪天功以爲已力者也山蠶  
作繭雖亦成衣視紅女繅絲何如哉然李固有言必待堯舜之  
君而後出此爲志士斯無時矣司馬徽云儒生俗士豈識時務  
識時務者在乎俊傑故蕭曹房杜之流亦各抵掌論經濟投時  
樹勳績書於史乘其文爛焉凡大都會人才輻輳而事多可紀  
長沙零陵列郡自秦漢名南甘棠之化固不盡被乎荆楚也而  
况都梁下國乎哉譬農夫之治田然中州華族則厥田上上受  
武岡州志 卷一 大政志序 一

之良農者也裔夷之變夏者則屯田之招徠墾闢乃下農之所  
資也雖然田無美惡視農夫之勤惰何如誠能修禹稷之成規  
而資之水利何瘠壤不可爲膏腴哉夫以八閩之險陬樸陋而  
有海濱鄒魯之稱况虞舜巡游所及其風聲漸被宜比戶可封  
也今略掇漢唐至今大政之關於斯土者蒼之俾論世者有所  
考云作古今大政志



武岡州志卷一

大政志

漢孝武帝元朔五年六月壬子封長沙定王子遂為都梁侯

漢書作定

元狩六年都梁敬侯遂薨

子頃侯侯嗣

孺子初始元年都梁免侯

合夫夷昭陽三國皆免侯諸侯王表王子侯表

光武帝建武二十五年己酉三月伏波將軍馬援等伐五溪蠻

冬十月叛蠻悉降

後漢書光武紀

孝桓帝元嘉元年秋七月武陵蠻叛

武陵蠻詹山等四千餘人反拘執縣令遣竇應明伐之築城

武岡州志

卷一 大政志

二

守禦蠻亦屯結深山有保都梁縣山中者號其岡曰武岡

永興元年武陵太守應奉招誘叛蠻降之

應奉字世叔汝南南頓人也詹山等叛屯結連年詔下公卿

議四府舉奉才堪將帥永興元年拜武陵太守到官慰納山

等悉降散

延熹三年庚子秋零陵蠻入長沙以右校令度尚為荊州刺史

討平之

後漢書南蠻傳

酈道元水經注云縣左右二岡對峙後漢伐五溪蠻蠻保此

岡

晉武帝太康元年分都梁立武岡建興二縣

宋書州郡志

元帝建武元年封王導為武岡侯



導字茂宏光祿大夫臨沂王覽之孫以討華軼之功封武岡侯

明帝大寧二年七月丁酉封尚書卞壺為建興縣公

卞壺字望之濟陰宛句人也王含之難以吏部尚書加中軍將軍含歿以功封建興縣公邑一千八百戶賜絹五千四百

匹本紀卞壺傳

孝武帝大元九年封龍驤將軍彭城內史劉牢之為武岡縣男牢之字道堅彭城人也以破苻堅功封食邑五百戶劉牢之傳

明帝泰始元年封宿僧護為建興縣侯僧護以起義斬龐天生封食邑三百戶

隋文帝開皇十年以建興都梁武強入邵陽大業中復析置武

### 武岡州志

卷一 大政志

三

### 攸縣

唐高祖武德四年更武攸為武岡復置建興縣

七年省建興入武岡

大曆五年湖南戍將王國良據武岡反

觀察使辛京杲貪虐使部將王國良戍武岡覬其富即劾以

死國良恐據縣反合西原蠻寇掠州縣唐書曹王杲傳

十四年十二月遣都官員外郎關播招撫武岡盜賊通鑑唐書關播傳

播字務元衡州汲人德宗初湖南峒賊王國良驚剽州縣不可制詔關播宣輯播言奉詔平賊有如不授命臣請發州兵

翦定之帝曰善唐書關播傳

遣荊州黔洪桂兵討武岡賊曹王杲傳



德宗建中元年七月丙寅王國良降

唐書本紀

曹王皋字子闌天寶十一年嗣王建中元年拜湖南觀察使時王國良據武岡斂荆黔洪桂兵討之再歲不能下皋至遺書曰觀將軍非敢大逆者特逃讒抗死爾將軍遇我可以降我國為京皋誣者幸蒙雪何忍以兵加將軍哉以為不然我以陳術破將軍陳以攻伐屠將軍城非將軍所度也國良得書喜且畏因請降然內尚首鼠皋即日單騎稱使者造國良壘賊延使者入皋大呼其軍曰有識曹王者乎乃我也來受良降良今安在一軍踴胎不敢動國良迎拜叩頭請罪皋執手約為昆弟盡焚攻守具散其兵有詔赦之賜名惟新

曹王皋傳

憲宗元和七年壬辰武岡蠻獠亂潭部戎帥御史中丞柳公綽

武岡州志

卷一 大政志

四

招撫之

柳宗元武岡銘

元和八年八月辛巳湖南觀察使柳公綽討張伯靖軍於武岡

丁未伯靖降

唐書本紀柳宗元武岡銘

伯靖殺吏據辰錦州連九崗自固四月己亥遣黔中經略使崔能五月癸亥遣荆南節度使嚴綬七月己巳遣劍南東川節度使潘孟陽八月辛巳遣湖南觀察使柳公綽先後討伯靖公綽屯武岡綬勒兵出次遣將齋檄開曉伯靖上表請得隸荆南乃降崔能內憾之更請調荆南湖南桂管軍為援約西原十崗兵皆出可以成功公卿議者皆以為便宰相李吉甫以伯靖挾怨而叛壓以大兵而招之可以不戰自定乃命能兵毋出獨詔綬招之於是伯靖率家屬詣江陵降授右威



立羽林中郎將軍

唐書本紀嚴挺之傳通鑑

乾寧元年五月武安軍節度使劉建鋒以蔣勛為武岡指揮使  
武岡指揮使蔣勛取邵州

初鄧處訥拜武安節度使不數月會劉建鋒馬殷兵至攻醴  
陵處訥遣邵州豪傑蔣勛鄧繼崇率兵三千斷龍回關勛以  
牛酒犒師殷因說勛曰劉公知勇絕人術家言當興翼軫間  
今精兵十萬攻必下戰必克而公哀鄉兵以捍關殆矣不如  
下之富貴可得也勛謂然其下畏建鋒虐皆夜棄甲走建鋒  
至關曰此天意盡用邵人旅鎧趨潭潭州守者以為勛軍納  
之既入處訥方宴執而殺之建鋒奉表京師詔即拜檢校尚  
書左僕射武安節度使建鋒以蔣勛為武岡指揮使勛怒率

武岡州志

卷一

大政志

五

繼崇攻湘鄉取邵州進壁定勝

龍回關在長沙府善化縣東登峯拔峙如城中間僅通一

路今名關山定勝在今邵陽界

梁太祖開平四年十二月澱州蠻酋潘金盛寇武岡楚王馬殷  
遣昭州刺史呂師周討之

初澱州蠻酋潘金盛恃其所居深險數擾楚邊至是寇武岡

楚王馬殷遣師周將衡山兵五千討之

通鑑十國春秋呂師周揚州人馬武穆王

表授邵州刺史

乾化元年呂師周擒潘金盛送武岡斬之

通鑑

正月師周攀藤緣岳入飛山崗襲潘金盛得平地數處趨軍  
分布立柵一日而畢金盛大駭曰此兵從天降也命楊承磊  
率兵千人出戰師周為散星礮破其軍縛降者為鄉導直至



崗前殺承磊擒金盛送武岡斬之竝斬三千人盡燬其巢穴

承磊族人再興以其地附於楚

通鑑十國春秋

宋太祖開寶八年梅山蠻寇武岡

宋史梅山崗蠻傳

先是梅山崗蠻寇邵州之武岡李繼隆領雄武卒三百戍邵

州會征江南繼隆率眾東伐蠻賊數千陳長沙南截其道繼

隆力戰賊遁去手足俱中毒矢得良藥而愈部卒死傷者三

之一至是石曦平梅山板倉崗諸蠻寇俘馘數千人

梅山蠻傳石曦

傳

五月乙酉詔武岡民為賊掠者蠲其逋租仍給復一年

宋史本紀

大中祥符九年十一月武岡瑞竹生

縣民何文化園竹生兩株同本上分四莖

宋史五行志

### 武岡州志

卷一

大政志

六

嘉祐三年武岡蠻反知邵州郭達討平之

宋史郭達傳

神宗熙寧五年十一月湖南轉運副使蔡煜招降武岡蠻三百

餘族建武陽關峽二砦皆屬邵州

煜招懷武岡蠻三百餘族蠻戶數萬歲輸米以萬計納其所

蓄兵杖以其地建二寨曰武陽關峽竝隸邵州

案二砦在綏寧地

哲宗元祐四年己巳置武岡赤水砦

宋史地里志

七年壬申選差武岡縣中等以下戶充土丁弩手與免科役

宋史

兵志

徽宗崇寧二年選差中等以下戶充弩手

大觀元年丁亥置武岡硤口砦

宋史地里志

四年庚寅九月升武岡縣為軍



領縣二武岡蒔竹

後蒔竹改綏寧

五年置臨岡縣隸武岡軍

宋史地理志

元豐六年建臨口砦崇寧五年改砦爲縣隸武岡南渡後廢

高宗紹興元年辛亥臨岡崗民楊再興叛詔討之

宋史南蠻傳

三年罷武岡軍鄉戶弩手歲直

時臣僚言武岡軍溪崗舊常集人戶爲義保蓋其風土習俗服食器械悉同獠人故可爲疆場捍蔽雖曰籍之於官然亦未嘗遠戍靖康間調之以勤王其後湖南盜起征斂百出義保無復舊制困苦不勝乃舉其世業容依蠻崗聽其獠役州縣猶驗舊籍催科胥隸及門則挈家遠徙官失其稅蠻獠日強兼武岡所屬三縣悉爲獠人所有遠戍之實已無而鄉戶

武岡州志

卷一

大政志

七

弩手之名尙在歲取其直人戶咨怨乞擇本路監司詳議以聞詔從之

宋史諸蠻傳

十四年獠亂湖南安撫使劉昉奏出兵討之

十月劉昉奏武岡軍獠人有父子搆兵者宜出兵助其父俾還省地上以問輔臣秦檜檜曰恐輕舉生事帝曰恩威不可偏廢可懷則示之以恩否則威之不侵省地則已或有所侵奈何不舉俾知所畏哉

宋史諸蠻傳

十二月蠻首領楊進京求入貢

成忠郎充武岡軍綏寧縣管界都巡檢兼溪崗首領楊進京率其族三百人備黃金朱砂方物求入貢先遣其子孝友陳請詔本帥司閱舊制以聞給孝友錢三百貫俾還聽進止

宋史



諸蠻傳

十五年蠻楊進禹求入貢

進禹求入貢以武岡軍不時敦遣為言詔本帥司閱實應襲人姓名來上茲促進禹入覲宋史諸蠻傳

十月獠人楊再興降宋史本紀

二十一年以趙善穀知武岡軍宋史本紀

二十四年三月壬申楊再興復寇邊前軍統制李道討平之擒再興及其子正修正拱檻送行在宋史本紀

初正修侍其父再興人覲獻還省民疆土遂命以官建炎後與弟正拱率九十團崗獠人出武岡軍縱火殺民掠財為亂紹興間潭州帥師嘗招徠之後復作亂屢抗官軍至是就擒

武岡州志

卷一 大政志

八

七月乙卯蠻獠人楊正修正拱於市

擒正修正拱送理寺獄鞠治斬之宋史諸蠻傳

十一月通判武岡軍方疇除名

以疇通書胡銓及他罪除名永州編管宋史本紀

二十五年二月壬寅仁和縣尉芮煜除名武岡軍編管

煜賦牡丹詩有寧合漢社稷變作莽乾坤之句為鄰人所告

除名武岡軍編管宋史本傳

置新寧縣隸武岡軍宋史地理志

三十年廢臨岡縣入綏寧

是時減冗員改臨岡縣為臨岡砦宋史諸蠻傳

孝宗乾道六年前知武岡軍趙善穀請復置臨岡縣



善穀言武岡與湖北廣西鄰壤爲極邊之地溪崗七百八十餘所七崗隸綏寧五溪崗隸臨岡縣紹興三十年減冗員改縣爲臨口砦然五崗之獠俗尤獷悍釁生豪髮則揮戈相讐砦官不能爲輕重况本軍巡防砦柵惟眞良三門岳溪香平有土軍可備守禦餘有官無兵其關峽武陽等砦設巡檢二員徒費廩祿以臣所知宜復臨口砦爲縣則獠蠻易於制服汰去冗員則官廩亦無虛費實邊郡之利也

淳熙二年丙申崗民楊民敖叛統制李逢源討之獲其黨磔之以徇

光宗紹熙元年以吳鑑知武岡軍

吳鑑臨川人隆興中進士光宗卽位召試除正字廷對剴切

武岡州志

卷一 大政志

九

帝爲改容擢知武岡軍

三年以汪義和知武岡軍

袁燮墓志

寧宗嘉泰二年饑

時衡郴桂陽同乏食

宋史五行志

開禧元年以呂昭遠知武岡軍

嘉定三年庚午武岡軍變判官葉莫討平之

五年以史彌寧知武岡軍

六年史彌寧修學

教授王之制有記

八年以楊宏中知武岡軍

宏中字充甫福州人開禧元年進士官太學學正是年夏大



早宏上封事指切無隱遷武學博士秋祀武成王爭亞獻爲諫官應武所劾通判潭州以親老請祠差知武岡軍未授卒

楊宏中傳

十七年湖南安撫使知潭州真德秀劾罷知武岡軍司馬遵

遵守武岡激軍變德秀劾遵而誅其爲亂者

宋史真德秀傳

理宗寶慶三年以呂祖烈知武岡軍

景定五年以楊巽知武岡軍

度宗咸淳元年知武岡軍楊巽建奎文閣

文天祥作記

恭帝德祐二年正月武岡降元

時宋將李信李發結武岡峒蠻分據隘寨元將朱國寶擊敗

武岡州志

卷一 大政志

十

之其眾退保飛山國寶復戰破之獲信發等獻俘江陵

元史朱國寶傳

寶傳

元立武岡安撫使

元史地理志

元升武岡安撫使爲武岡路總管府

元史地理志

武岡領司一縣三司曰兵馬縣曰武岡新甯綏寧

元改武岡兵馬司爲錄事司

元史地理志

世祖至元二十一年以武岡路武岡縣戶鈔爲也可怯薛歲賜

戶五千計鈔貳百

元史食貨志

武岡盜起永州路判官烏古孫澤討平之

元史烏古孫澤傳

二十五年湖南盜詹一仔反誘武岡人嘯聚四望山湖南行省

劉國傑討平之



時官軍久不能討國傑破之斬首盜餘眾悉降將校請曰此輩久亂急則降降而有變復反矣不如盡坑之國傑曰多殺不可况殺降耶吾有以處之乃相要地爲屯在武岡曰白倉遷其眾守之每屯五百人以備賊且墾廢田榛棘使賊不得爲巢穴降者有故田宅盡還之無者使雜耕屯中後皆爲良民自此武岡白倉始置立屯田

四月免武岡今年酒稅及前歲逋租元史本紀

以薦經寇亂免

二十八年益兵擊武岡盜賊

成宗大德七年六月武岡饑

壬辰減價糶糧萬戶賑之元史本紀

武岡州志 卷一 大政志

仁宗延祐元年八月武岡路水

發廩減價賑糶

皇慶二年癸丑建儒林書院於城步砦

泰定帝大定元年以歐陽元爲武岡尹

元字原功瀏陽人延祐二年進士授平江州同知調蕪湖尹大定元年改武岡尹武岡控制溪崗蠻獠雜居撫字稍乖輒弄兵犯順元至踰月赤水大箐兩崗聚眾相攻殺官曹相顧失色計無從出元卽日單騎從二人徑抵其地諭之至則死傷滿道戰鬪未已獠人熟元名棄兵仗羅拜馬首曰我曹非不畏法緣訴其事於縣縣官不爲直反以徭役橫歛掎克之情有弗堪乃發憤就死耳不意煩我清廉官自來元喻以禍



福爲理其訟獠人遂安

順帝至正六年十月思靖猺犯武岡湖南宣慰元帥完者帖木兒討走之

詔湖廣行省右丞秃赤及湖南宣慰元帥完者帖木兒討走之俘斬數百級猺賊敗走秃赤屯於武岡悍卒所至掠民爲俘時江夏聶炳爲寶慶推官秃赤使炳攝分省理問官言於

秃赤釋其無驗者數千人

元史本紀及忠義聶炳傳

七年五月庚戌猺賊楊畱總吳天保陷武岡路詔湖廣行省右丞沙班討之天保遁

焚民廬室沙班遣兵復之

九月丁卯猺賊吳天保復陷武岡路

武岡州志

卷一 大政志

十二

十一月猺賊吳天保復陷武岡路詔湖南行省平章政事苟爾

討之

元史本紀

九年苟爾兵擒楊畱總餘賊悉平

時諸將至零溪逼賊巢三月七日生擒畱總械送京師餘寇悉平

十二年七月己丑湘鄉賊陷武岡寶慶路湖南元帥副使小云

失海牙總管兀顏思忠復寶慶路

元史本紀

明太祖洪武元年三月楊璟遣荊州衛指揮吳與盛取武岡改武岡路爲武岡府

領武岡新寧二縣割綏寧隸靖州

四年夏武岡中州崗蠻楊清甫反江陰侯吳良討平之



吳良調胡海補武岡營勦飛山寨梟其反者數人得生口三百六十五其餘戶口或降或俘武岡以寧

六年設武岡守禦千戶所

以指揮許遠領正副千戶六員百戶十一員鎮撫一員世守之

九年四月降武岡府為武岡州

以州治武岡縣省入領新寧縣隸寶慶府

明史地理志

二十四年武岡苗叛州判徐彝死之

湖南通志名宦篇云徐彝永樂中武岡州判官苗

叛彝死之年分與康熙府志異

成祖永樂十一年武岡苗叛鎮撫康信力戰死之

嘉慶志作唐信

信隴西人官寶慶鎮撫永樂初武岡蠻叛信領哨兵追及

武岡州志

卷一

大政志

十三

於平山大破之蠻入靖州者十餘年後其黨復熾湖南騷動信以忠自矢破其團崗十餘追至綏寧界之白岩援不繼手及六人遂遇害

二十二年十月己未徙岷王居武岡

建文元年西平侯沐晟奏岷王梗過廢為庶人徙漳州永樂初復爵王與晟交惡帝怒奪冊寶尋復予之梗不悛六年削其護衛罷官屬二十二年父子徙武岡寄居州治歲給祿米

千石久之始建王邸

明史岷王傳

仁宗洪熙元年四月戊申華陽王悅耀有罪徙武岡

王蜀獻王第二子訐世孫友培謀奪嫡獻王覺之會有他過杖之百將械於朝友培為力請得釋獻王之薨有培方在京



師悅燿竊王帑友靖歸不問悅燿更誣奏友靖怨望成祖召入訊之會崩仁宗察其誣命歸藩召悅燿悅燿猶執奏仁宗抵其章於地遷之武岡

改徙悅燿於澧州

以岷王榷在武岡改悅燿澧州

宣宗宣德元年七月岷世子徵煖擅赴京師敕止之

三年五月水災

暴風雨七晝夜山水驟長平地高六尺

英宗正統元年橫嶺崗苗劫綏寧

時崗苗與逃民相聚蜂起劫綏寧總兵蕭綬奉敕同副總兵

吳亮都指揮鄭通勦之擒其酋餘黨悉平

武岡州志

卷一

大政志

十四

設武岡守備

崗苗時叛命設武岡守備司以寶慶長沙衡州戍守諸指揮

為之由都指揮使考選其各所哨官亦然

十四年苗叛新寧崗苗楊文伯應之

景帝景泰元年苗掠武岡轉入靖州

苗寇掠武岡驅其所擄掠人物入靖州

二年六月參將陳友遣都指揮汪迪敗苗賊於武岡

二十一日充總督守備左參將陳友遣都指揮汪迪破賊於

黃茅坪賊眾潰迪分三路為左右翼率千戶陶成孟壽各領

一哨尾之二十二日賊至武岡城下掠關廂方趨利不虞迪

軍隨至而指揮夏榮侯俊身先士卒縱兵馳入賊中揮及大



呼賊眾擾亂遂乘勝逐至危塘

州西十里

斬首百七十級生擒二

人岷王賜迪綵緞勞之以宴疏聞上賜敕獎友策勵有加

九月尙苗復擾武岡陳友遣綏甯縣丞馮旺招撫降之

時欄牛扶城等尙苗復擾方入境聞友統軍至各遁歸友乃

遣綏甯縣丞陳旺齎榜抵其巢開諭以利害皆隨旺出納款

十一月廣通王徽燂陽宗王徽焄謀反諸苗復叛陳友敗苗於

武岡之千寫田

恭王徽燂弟廣通王徽燂有勇力家人段洪以技術得寵致

仕後軍都事于利賓言徽燂有異相當王天下遂謀亂作偽

敕分遣友洪及蒙能陳添仔入苗中誘都厥寨苗楊文伯天

柱寨苗金龍錫等以銀印金幣封爲侯文伯不受而諸苗遂

武岡州志

卷一大政志

十五

從之反旬月之間所在蠡起四處劫掠友經略邊防團結鄉

邨爲設條禁民賴以安又使陳旺誘出添仔於苗中執送京

師苗賊大出友自率眾禦之於千寫田斬首百餘級及友洪

歸亦爲岷王所執都御史李實以聞

十二月廢廣通王徽燂陽宗王徽焄爲庶人

上遣駙馬都尉焦敬中官李琮徵徽燂入京師湖廣總督王

來總兵官梁瑤復發陽宗王徽焄通謀狀亦徵入皆廢爲庶

人幽徽燂京師錮焄於鳳陽

苗寇武岡總督王來總兵梁瑤擊走之

諸苗受徽燂旨以眾二千從蒙能攻武岡來等連戰破之能

遁入虜西稱蒙王



是年大饑

三年七月右布政馬謹同參將李震勦武岡苗擒楊光拳

時武岡城溪諸賊結廣西蠻據青肺山謹遣震攻破之獲賊楊光拳等五百六十人斬首倍之扶城諸砦聞風款附謹出

入行間三歲衝冒鋒鏑與諸將同而運籌轉餉功尤多轉左

布政使

明史馬謹傳

四年春靖州苗至武岡界參將陳友遣兵追擊破之

時靖州九護塘尙苗聚眾攻地湖民寨將出攻武岡友所隸京官都指揮白貴劉信吳徵及舍人陳瑄馳入賊陣追斬全勝

五年九月武岡賊蒙能圍五開衛之隆里所

武岡州志

卷一

大政志

十六

蒙能既遁入廣西復糾生苗爲亂至是偽造印章以文武官秩封其黨與有眾五萬大肆猖獗攻隆圍里守禦所時指揮莊榮在圍中自登陴與諸部校分地而守七晝夜左都督陳友聞警遣汪迪劉信與部下數十人赴之信等力戰死賊既勝還攻隆里圍之數匝友統兵來援督兵殊死戰乃敗走之時遠近谿崗蠻苗皆爲蒙妖書所惑響應者凡五百餘寨日出抄掠官軍屢勦之不能克

六年二月丁卯斃武岡賊蒙能于平溪衛城下

二月甲子蒙能攻圍平溪衛城都指揮鄭泰擊卻之丁卯蒙

能中火鎗斃於城下

明史方瑛傳

英宗天順元年四月南和伯方瑛遣左參將李震搗城步苗破



五十四砦

瑛遣震進攻武岡克欄牛等五十四砦斬獲最多進都督僉事

七年丁丑巡撫王儉總兵李震巡按龔謙俱以苗變巡視武岡要害

憲宗成化二年七月苗寇劫武岡

時守備莊榮伏兵於龍堡鄉大破之

六年十二月罷淘金

朝廷因國帑日虛命寶慶府武陵等縣開金場淘煎收鈔至是撫按合奏所屬二十一場役民夫五十五萬有奇而武陵之民傷於蛇虎死於水火者無算僅得金二十五兩工多金

武岡州志

卷一

大政志

十七

少徒困於民詔亟罷之今武岡尚有淘金場硃砂場遺趾

十二年三月壬戌李震大破叛苗

苗復犯武岡湖南大擾震與巡撫劉敷等分五道進破六百二十餘砦俘斬八千五百餘人獲賊孥萬計論功封興寧伯

十三年武岡苗作亂署都督僉事王信平之

信以署都督僉事佩平蠻將軍印鎮湖廣武岡蠻久不戢守臣議勦之信親詣蠻中犒以牛酒責其無狀眾稽顙服罪十七年疏言湖廣諸蠻雖心腹蠹實無能為久不靖者由我將士利其竊發以邀功也選精銳慎隄防其患自息

明史王信傳

二十二年六月黜克城王膺錕為庶人

九月復岷王世子膺鉅冠帶管府事



孝宗宏治九年逮武岡州知州劉遜

先是遜爲監察御史以劾內監蔣琮出知武岡州復以事忤岷王王奏訐之逮繫錦衣衛科臣龐泮等率同官交章論救上震怒竝逮繫之科道下獄者六十二人以上寶司及中書官署六科事御史張涓公差還恥不得與上疏申救大學士徐溥爲奏遜情輕譴重言官爲國盡忠而以爲罪後有大利害大得失誰肯言者上乃釋之

康熙府志引通志大政紀

十四年十一月巡撫閻仲宇勦武岡州叛苗十二月獲李再萬苗賊平

武岡大地茶園寨苗李再萬叛煽動橫水扶城諸寨巡撫閻仲宇集三司議擬調兵四萬四千會討奉旨俞允後復議賊

武岡州志

卷一 大政志

十八

境險遠其桃林蓬溪橫水扶城等四十八寨悉皆賊之巢穴而興安義甯泥田小江楊烏大步萬山等處又多逃避之歧路若非分股攻擊逐處堵截則彼或得併力拒敵或得窺穴潛逃皆非經遠善後之計且料原擬經制不敷遂復添調清浪等衛及麻林等所漢土民兵雜款兵一萬三千二百三十二名合前調兵數共五萬七千有奇分爲四哨犄角竝進設疑兵於諸要處以亂賊謀隔其黨與使難相通將城步二路分左右兩哨以湖南僉事張鎮監之而以都指揮王潤樊煜督左哨兵八千四百八十用健步軍人潘來附蔡奴子爲嚮道由橫水進至黃茅坪止攻取十二寨都指揮王燾王愷督右哨兵八千四百五十用健步軍人王達辛梅山爲嚮道由



下邊溪進至高平大地止攻取十一寨其綏甯二路亦分左右哨以湖北僉事楊鼎監之而以守備靖州指揮使王震督左哨兵八千二百二十用健步軍人伍全望忽魯禿爲嚮道由下圍進至都溫獨樹止攻取一十六寨守備指揮朱英督右哨兵九千七百八十用健步軍人龍庚辰里不花爲嚮道由牛石進至小江泥田止攻取入寨又以分守靖州右參將劉吳統奇兵五千二百五十於綏甯二路督戰策應廣西之兵九千卽委彼地都指揮韓雄統領分三哨一由全州一由興安一由義甯各進與城步兵約期夾攻而湖南東安一路則又令都指揮蔡紳量起官軍九百名往來截殺仍委衡永守備副使馮鎬量帶官軍一千兼督東安全州等哨軍務考

察奸弊恐賊眾突奔鄰境黎平府地方議行知府張愷選取洪州等長官司喬兵三千八百五開衛指揮王冕取所屬舍餘一千相兼把截都指揮曹禎分領官軍六百六十專辦諸哨軍餉其附近新舊向化苗寨恐生驚疑給與旗牌差官坐鎮都御史閻仲宇太監劉雅總兵官永康侯徐錡會統官軍八千五百進抵大竹坪居中安營節制各哨巡按御史王約亦在行間立營紀功辰沅兵備副使顧源分守湖南參政畢亨各隨中營進止參謀司犒期以十一月十四日四路俱進是時苗寇各先占巖險立柵自固多積滾木壘石及長鎗藥矢百方拒敵官軍以神鎗火器牌當先連日設法分擊致木石旣盡乃奮力齊登次第攻克扶城邊溪牛石橫嶺等四十



餘寨斬首一千五百七十一級俘賊屬及被擄男女四百餘口賊入楊烏大十萬山官軍因雨雪沍寒箐深難進各就所抵山陘劄營已而搜巖剝藪陸續擒斬又二千餘級明年正月班師奏凱巡撫閻仲宇因上狀割綏甯七里半武岡二里半拓城步巡檢司舊址置城步縣隸寶慶

十六年十二月廣西苗賊劫武岡

明大政紀

武宗正德元年三月武岡守備王翰及靖州守備段輔夾攻鎮溪賊黃吉於綏甯漵浦界

先是鎮溪土裔黃吉等亡命入綏甯漵浦界中憑恃險阻羣不逞之徒往往歸投竊弄庫兵旣而嘯聚益眾大爲民患歷年分閫者不能戢至是以都指揮段輔守備靖州賊憚其威

武岡州志

卷一

大政志

二十

名始稍斂不敢犯靖境湖北分巡僉事汪玉臨邊問輔以收捕之策輔言平寇之勢須犄角乃可今賊巢移傍湖南而郡縣封域彼此交互非輔一人得專約束若武岡王翰肯與戮力則寇可平而民無擾僉事乃公移趣翰與輔會同約期夾攻於是羣蠻破散陸續斬獲地方始寧

十三年戊寅築新南門

十四年五月岷王請給譜不許

是時岷府譜亡於盜賊故請之

明大政紀

十六年禁岷府別僉民校

明大政紀

世宗嘉靖元年武岡水

四年十二月削岷府安南王彥泥爵錮高牆



五年二月出岷庶人家屬於高牆

明大政紀 案岷庶人卽安南王彥泥

五月武岡守備王表督兵會靖州參將童杲共勦流寇李政平之

時湖南流寇李政段文諫等有眾五百大掠綏甯武陽等鄉參將童杲恐其煽動諸蠻委守備王表督兵往捕表怯懦逗畱關峽呈詞於杲稱賊自正德改元到今六年劫殺人財五十餘起積禍已久責職一旦勦除實難爲力杲自草檄趣之略云綏甯武岡邵陽新化溲浦桃源諸州縣之間崇山複嶺茂林深谷數百里無人煙正德初土夷黃吉等潛藏其內招納亡命出劫鄉邨前分守湖北道汪議行靖武二哨守備段輔王翰捕斬幾盡漏網無多陸續擒戮巢穴已空此皆守備

武岡州志

卷一 大政志

二十一

得人効勞所致今據州縣申稱此次逆賊係武岡越獄罪人段文諫糾合湖南奔潰之眾潛來作孽已經通行武靖守備官率大小款兵會擒近接呈有六年積禍一旦難除之語具見推諉之意本官才猷夙著當簡拔應用之始正建功立業之秋宜當自奮豈可推諉爲此札仰本職速照先令施行師貴在和毋忘經傳之格言恤隱救災尙體兵家之神速彼疆我域慎勿著於胸中接管承行當自任於局上表得檄甚愧杲度其終當成功但恐表仍怯懦卽遴選精銳數百人親率以往五月六日抵綏甯次日馳至關峽督表同抵鹽井賊遁入深山杲乃詢鄉老使指畫林壑曲折及賊岩所在命死士胡廣德等窮搜數日間擒政父子竝其黨一百十六人餘眾



皆潰走入澉浦表等遣間諜往誘發兵夜圍之復擒一百三十二人梟號令嚴明所過樵蘇無犯

岷府產竝蒔蓮

岷藩府池中產竝蒔蓮一本御史馬剔有記

六年六月革岷王彥汰爵

八年二月甲戌詔岷世子譽榮代父理事

十年十月許岷庶人彥汰冠帶視事

從世子譽榮請也

十二年十二月岷庶人彥汰請復王爵不許

十四年城步苗楊晟松等劫掠武岡守備周誥撫定之

二十年武岡砦寇掠新甯知府陳楠平之

武岡州志

卷一 大政志

二十二

二十六年武岡賊翟廷相據大坳

翟廷相據大坳等處殺掠後七年始平之

案七年疑是五年之譌

二十七年六月大水

二十五日大雨水漫城官署民廬多圯軍民死者以百計

二十九年添築土城

岷康王奏築東北土城一座廣一里六分設東南北三門

三十年冬十一月武岡賊翟廷相蕭子連等劫綏甯鎮軍守備

張玉與靖州守備何清合兵會剿

武岡大盜翟廷相蕭子連等糾合山徭二百餘人流劫綏甯

扶叢總督張岳委鎮軍守備張玉靖州守備何清各率所部

犄角夾攻屢敗羣盜後二年擒廷相剿其餘黨殆盡



三十八年廣西古田徭寇武岡

殺死考試文童無算

四十年九月敕岷王約束宗儀

四十一年謫兵部郎中蒙大賚爲州同謫刑部員外郎昌應時爲州判

四十三年岷府產芝

岷廣濟府欽賜遵訓書院後產芝五本

四十五年廣西古田徭寇武岡之新寨

寨去武岡四十里官兵攻退之始議築外城

築州外城

廣西徭掠新甯隨欲寇州判官徐機守備槐寅議增外城申

武岡州志

卷一 大政志

二十三

請奏允命寶慶同知段有學計費斲石逾年知州蔣時謨至繼董其役數月始成城門有三南曰薰和東曰迎恩西曰慶成計七百三十六丈七尺九寸高一丈頂闊八尺垛頭高四尺鼓樓三座添設蕭公堰頭西隅土橋兩小門又爲東西二鞏以通渠水

穆宗隆慶五年八月岷府甘露降

十五夜岷府寢宮西側天降露如飴

神宗萬曆元年武岡梅花不萎

舉人曹一夔迎陽書室紅梅自八月花開滿樹至次年三月猶盛一夔是年成進士

二年知州朱諭築隄防城



巡撫趙賢巡邊至州人以水漲爲城患請賢命知州宋純仁  
沿水築隄以捍水患方受工而純仁去知州朱諭竟其事

六年知州朱諭修州志

九年詔天下清丈民田

二十六年六月大水

漂沒官署民居

四十五年五月大水

二十三日大水浸西城民廬漂沒軍民死者無算

四十八年冬有木妖

州西北十里黃茅山桐樹一株忽生刀鎗戰戟從枝條上出

鋒穎稜稜

武岡州志

卷一 大政志

二十四

熹宗天啟二年武舉鄭維城會試第一

維城會試第一及臨軒策問維城仍第一

莊烈帝崇禎元年獲異獸

西關外井中出一獸似犬似羊識者以爲土怪

二年逮岷府校尉彭侍聖等

岷王禮洪暴薨二年王親副兵馬指揮鄧之沛奏王爲校尉

彭侍聖宮人胡氏所弑又言善化郡王企鈺將軍企鐘謀弑

王竝盜王帑奏聞上遣緹騎逮侍聖等勘問

三年巡撫洪如鍾來勘岷府事

四年誅彭侍聖等

命司禮太監李其懋駙馬都尉侯拱辰會巡按御史黃宗昌



鞠訊獄成磔侍聖胡氏企鉅企鐘竝自盡

七年編修鄭之元來册封岷王

十年正月有虎入城

正月有虎入城東躍垣咆哮竟日市民合力斃之三月又有虎入城東垣怒吼亦爲眾所斃

隘賊劫掠武岡

時隘賊劫掠鄉邨堡官高某討斃之

十二年高沙市大風

大風拔木江中水起見底人有爲風所吹者高數百丈而墜

十三年岷王企鑿築州城

十四年編修馬世奇以詔諭諸藩王至岷府

武岡州志

卷一

大政志

二十五

十五年中書舍人張同敞以詔諭諸藩王至岷府

十六年三月黃橋鋪土寇袁有志陷武岡殺岷王企鑿知州譚文祐攻復之

先是岷王有爽德蓄怨遐邇都里復被築城之害罷吏袁有志密結受害國戚鄧之沛府隸胡選及馬老牛鐵將軍烏合萬餘人起兵黃橋鋪直逼州城王率宮嬪宵遁不得脫次晨執殺於殿階焚宮室而去死者無算知州譚文祐素得民心先夜偕吏目王之道潛出西鄉集義勇數千竝會城中逃散士民於初六日獎勸忠勇克復州城執賊首鄧之沛胡選馬老牛於演武場賊眾死者近萬惟有志遁去初十日有志復率眾數萬圍城文祐登城堵禦馳檄鄉團使之赴援賊退去



據黃橋鋪尋侵邵陽境寶慶衛守備李日儀率衛軍往剿以不戢軍伍激變平民全營爲民所殲

七月分守黎靖副總兵劉承允剿黃橋鋪土寇平之

有志事聞上官檄劉承允率兵進剿寶慶同知田華國會兵堵截凡五六月擒有志磔之餘黨悉平

九月張獻忠掠武岡

獻賊由新甯掠武岡副總兵劉承允輕騎躡賊賊遁去至鷺口爲鄉團所遏殄殲殆盡

世祖章皇帝順治三年丙戌十月明桂王進武岡伯劉承允爲武定侯鎮寶慶行在陽秋

四年丁亥二月明桂王進劉承允爵安國公

武岡州志

卷一 大政志

二十六

四月明大將劉承允挾桂王遷武岡

行在陽秋通鑒集覽

先是承允從武岡朝桂王於全州欲擁桂王入桂林太妃不允遂傳旨幸永州又請封錦衣衛郭承昊馬吉祥嚴雲從爲伯御史毛壽登駁之曰金吾無矢石功何得援邊鎮例進爵也吉祥等疑出給事中劉湘客指給事中周鼎瀚遂嗾承允逼王下廷杖旨傳杖毛壽登劉湘客及御史吳德操給事中萬六吉於行在午門外會諸臣申救得免壽登等俱落職承允益橫恣至是大兵將至承允揚言瞿式耜已通款桂王即日遁全州移居武岡張先璧欲與承允爲難伏兵邀於路桂王甫渡河斷浮橋獲免先璧遂大掠新甯承允請敕諭解久之始去自是政事皆決於承允四月先璧眾十餘萬自祁陽



至邵陽掠開化上賢諸鄉趨新甯鄉殺擄焚劫極爲慘毒踞  
邑月餘血流百里死者不可勝紀斗米銀一兩斤鹽銀八錢  
有奇復遭狂鎮蒲英從粵復駐邑縱兵洗掠放馬食禾閱兩  
月

五月甲寅明桂王改武岡州爲奉天府以周鼎瀚爲東閣大學  
士同劉承允入直

六月明督師何騰蛟朝桂王於武岡桂王命滇將趙印選胡一  
清統明兵從騰蛟歸承允襲騰蛟印選殲其兵桂王命諸將扼  
守寶慶辰永

桂王召騰蛟圖承允騰蛟無兵無如承允何王命以雲南援  
將趙印選胡一清兵數千隸之及辭朝賜銀幣命廷臣郊餞

武岡州志

卷一

大政志

二十七

承允伏千騎襲騰蛟印選兵力戰盡殲之騰蛟乃還駐白牙  
明將張先璧朝桂王於武岡

先是承允在湖南受騰蛟節制及桂王遷武岡承允轉忌騰  
蛟騰蛟以藤溪之捷請授郝永忠爲援勦左將軍張先璧爲  
援勦右將軍至是承允以長沙不守奏解騰蛟兵柄召之入  
朝先璧奏承允專擅騰蛟反和解之承允聞先璧提兵至寶  
慶懼又請命騰蛟督諸軍守衡州

武岡大水

六月十七日城內渠水湧起立數十丈如峯與清渠樓齊城  
內斗米三兩四鄉斗米一兩民餒死無算至秋大熟民間有  
頓飽而死者



署湖廣總督佟岱與明總兵曹志建戰於武岡之斗溪鋪大敗之

大兵既克寶慶佟岱聞桂王尙在武岡率佐領張朝璘協領烏赫納等疾進夜遇明總兵曹志建扼於路督兵擊之敵敗奔入木城朝璘進攻投火毬於木城城焚敵大潰志建走明劉承允部將蔣虎孫華聶鳴張承明張大勝等力拒虎華鳴大勝皆戰死承明率殘兵拒戰會都統卓羅自祁陽至共擊敗之於夕陽橋

辛卯明桂王出走

諸將既戰勝夕陽橋遂與恭順王兵薄武岡城二十三日桂王知劉承允欲送款遂斫北關棄壺餐而逃三宮皆徒行中

武岡州志

卷一 大政志

二十八

宮妹與王皇親母肩輿出城嚴起恆王化澄吳貞毓馬吉翔出重賞僱三小舟奉三宮西行王至靖州命大學士吳炳分道護太子朱國珍走城步吏部主事侯偉時從之既至城步已爲大兵所破太子與炳偉時皆被執送衡州炳不食自盡於湘山寺偉時亦死之

壬辰明大將劉承允以武岡降參將謝復榮戰死兵部尙書傅作霖御史孟兆泰皆不屈死之吏部尙書李若星總兵王景熙副總兵劉中砥分巡下湖南道僉事趙廷璧皆死

劉承允號鐵棍擁重兵健鬪足以自固然戀戀於子女玉帛不肯爲桂王盡忠會桂王倉皇出走大兵遂入城諸將利承允之資許其納款佯與結盟數月後因飲宴殺之參將謝復



榮戰死承允之議降也作霖勃然責之及承允遣使納款大兵入城作霖冠帶坐堂承允力勸之降不從遂被殺妾鄭氏有殊色被執驅之過橋躍水中死

以何衡泗爲知州

五年戊子三月黃茅土人作亂

十三日黃茅土人王國柱王昌等倡言奉桂王命恢復武岡守備賀雲與戰國柱授首昌等復迎承允舊將陳友龍來圍城

七月明將陳友龍陷武岡知州何衡泗守備賀雲自焚死

武岡被圍衡泗與賀雲拒守三月餘糧盡城垂陷衡泗語雲曰倘有不測頸血豈可汙賊及耶城陷與雲共焚死於清渠

武岡州志

卷一 大政志

二十九

門樓

明將郝永忠據武岡

九月十五日郝永忠與陳友龍相攻友龍敗去復爲永忠所據

六年己丑定南將軍劉之源取武岡

固山額真劉之源進取武岡

十月明馬進忠陷武岡

二十八日又爲進忠所據

七年庚寅二月定南王孔有德取武岡

正月十五日有德攻武岡陣擒胡光榮等二月十五日大兵攻奉天總督劉祿監軍御史毛養登戰死馬進忠走靖州



明將馬進忠復入武岡

九年壬辰明大將李定國陷武岡

是年大饑大疫

自正月至五月大饑斗米銀六錢無糴處繼以大疫男女枕藉死者無算

是年 詔各省錢糧照明萬厯則例其天啟崇禎加增者悉豁免

十年癸巳明將馮雙禮駐武岡

三月貝勒屯齊大敗孫可望於周家鋪頓子嶺

四月貝勒屯齊至武岡

時二十三日貝勒統兵十餘萬人駐武岡四鄉掠糧十月駐

武岡州志

卷一

大政志

三十

岔路口零東武邵四縣民避藏山洞擄掠劫殺及爲冰雪凍死者無算又兩軍對壘連營數百里民間男婦靡有孑遺初則傾家以贖繼復贖其所贖終焉舉家隨之時有匿於巖洞者或以煙薰之或以卒圍之搜山破寨僵屍滿道間有一二脫漏又經積雪連旬兵卒復尋足跡俘去無一得免卽略存殘喘俱爲雪凍墮支而死次年復遭大疫斗米銀一兩二錢生者復死自有武岡以來未有如是之慘也

秋七月明大將孫可望駐武岡

十二月明大將孫可望使賀九儀駐武岡

十一年甲午明大將孫可望使賀九儀仍駐武岡

是年大饑流離死徙幾至郵落無煙



蠲免六七兩年民欠錢糧

十二年蠲八九兩年民欠錢糧

十四年丁酉正月朔有虹見於西

明將高啟龍踞武岡洞口

有木妖

州人潘應星折梅插瓶結子三青黃如樹上生者

大有年

十五年戊戌春經略洪承疇檄總兵許天寵張國柱率兵取武岡

十六年己亥正月朔有虹見

五月大水

武岡州志

卷一 大政志

三十一

淫雨二十四日峒口水溢山崩蛟出居民溺死百餘人

八月有禳

初九日黃昏天西有白練一道焰火爛灼射牆屋少頃飛下

東南如流星有聲火光四溢而西方所發處白氣如帶似龍

繚繞移時始息

以吳從謙爲知州

十七年庚子以衛所屯糧併歸州縣

奉文裁汰腹裏衛所屯糧歸併州縣寶慶衛及武岡所屯糧

在各州縣者州縣徵解

陞武岡營守備爲遊擊裁守禦千戶所

裁廣平倉大使



聖祖仁皇帝康熙元年壬寅知州吳從謙修志成  
奉上官檄各州縣纂修志乘時缺修者百有二年  
蠲免順治十五年以前各項民欠錢糧

四年乙巳裁武岡訓導

蠲免順治十六十七十八年錢糧

白茅隴徭作亂五月黔陽羅萬山徭掠州境

十年辛亥詔六年以前舊欠地丁錢糧俱令蠲除

十三年甲寅二月滇逆吳三桂叛遣偽將分犯各郡武岡城陷  
舊志

十八年七月都統誇札敗賊於紫陽河

安親王大敗賊於武岡之雙井鋪吳國貴中礮死復武岡

武岡州志

卷一 大政志

三十二

夏國相聞大軍至偕吳國貴王永清王宏勛扼雙井堡使偽  
將軍馬寶張祖法率眾二萬迎距隘口建義將軍林興珠提  
督趙國祚偕副都統伊巴漢恭圖攻擊三晝夜護軍統領桑  
格以礮擊中國貴斃之前鋒統領沙納哈領兵三百進擊賊  
披靡眾宵遁興珠國祚追至武岡州賊棄城走楓門嶺復其  
城沙納哈桑格追擊至楓門嶺之木瓜橋  
偽周潰將馬寶等踞武岡之楓門嶺

逆黨踞楓門嶺武陽隘蓼溪崗口等地依山阻險以守

十九年三月馬寶遁走

十八年秋貴州提督趙賴疏言武岡楓門嶺爲入雲貴大路  
其西爲蓮花山東爲蓼溪司崗口黃茅嶺有小路可通雖皆



峻嶺崎嶇然彼可來我亦可往計賊僅能當路掘濠設炮石距守耳宜分布將士刻期並進使賊不能久延喘息十九年三月朔日大將軍貝子彰泰將軍蔡毓榮統師由楓木嶺進副都統趙賴同總兵趙奎由蓼溪司進攻克龍頭山泡洞山瓦屋雲霧山五子坡諸寨賊將馬寶竄走趙賴遣遊擊甘文煌追擊敗之洪山恢復黔陽縣

復設武岡訓導

二十年蠲免十七年以前民欠錢糧

二十三年五月大水

二十五年免二十六年下半年二十七年上半年地丁各項錢糧及本年未完錢糧清丈民田畝

武岡州志

卷一 大政志

三十三

三十一年改武岡爲大學

順治十四年武岡赴長沙試不及額學使遂以中學取士報部至是知州任進孝爲申請得

旨仍復大學

三十四年罷知州任三益

三益激民變總督吳璵捕其首亂者置之法而劾罷三益以彭開祐爲武岡知州

三十八年免三十九年地丁雜稅等項錢糧

四十二年免四十三年地丁錢糧

四十四年免四十五年地丁錢糧舊欠並停輸納

四十六年蟲食稻大饑



五十年除漕項外蠲免五十一年地丁銀並舊欠

五十二年詔自康熙五十年以後所滋生人丁永不加賦

五十四年蟲食禾民饑

五十六年蠲免帶徵地丁屯衛錢糧

六十年免舊欠錢糧

世宗憲皇帝雍正三年添上學額同府學

歲科試舊額入學者十五人至是二十人

添設武岡營把總二員分守城步

分守城步橫嶺新寨二汛一由清浪平溪二衛撥歸一由五

開銅鼓二衛撥歸

以余光熨爲知州

武岡州志 卷一 大政志

三十四

光熨約己愛民釐剔奸弊

七年詔各省丁銀自雍正七年始均攤入地糧內徵收

添設武岡營千總一員外委把總一員

八年免錢糧三分之一

以葉居仁爲知州

居仁坦懷御物政簡刑清

九年大饑

知州葉居仁發倉給賑親爲撫慰民賴以安

蠲免有差

免湖南本年額徵四十萬

十二年知州王邦鼎遷州學於岷王府故址



十三年禁草州報增盈餘門攤酒醋等稅  
詔府州縣落地稅除在城內者照舊徵收外若在鄉鎮落全  
行禁革

高祖純皇帝乾隆三年減免屯田賦照民田科則徵收

添設武岡營守備一員外委把總二員

添撥馬步兵丁一百九十入營

八年正月大冰

樹木盡壓折而雪加於地上者不盈寸蓋五行所謂木稼

大有年

十年普免丁糧分作三年以次辦理

詔蠲正賦之年將未完舊欠竝停徵

武岡州志

卷一 大政志

三十五

十一年大水

時辰口分水二處皆出蛟水暴長丈餘

十四年三月水災

三月大雨袁蓬團山水驟發廬舍湮溺甚眾

二十年以席芬爲知州

二十一年冬知州席芬修州志成

二十五年移州同駐高沙市

裁蓼溪巡檢移設邵陽黑田鋪巡檢

二十六年六月大水

七月知州席芬遷州學於舊地

十二月州署火



初八日州署火知州席芬之子婦與其孫男女三人及僕婦五人死焉席芬有記

二十七年添設額外外委二員

二十九年四月高沙市大水

二十八日大水州同署全圯漂溺居民三百餘人廬舍五百餘間失額田壹百陸拾餘畝

振卹武岡州高沙市有差並借給口糧籽種

實動支州庫銀四百三十二兩八錢借給社穀四百四十一石豁除無徵失額田一百六十一畝七分有奇

三十一年蠲免本年錢糧

三十五年免直省地丁錢糧分作三年以次辦理

武岡州志

卷一 大政志

三十六

三十八年以那衍爲知州

四十三年免各省地丁錢糧

四十五年大水

四十七年裁紫陽司巡檢

移紫陽巡檢於龍陽縣龍潭橋

四十九年改武岡州爲繁疲難兼三要缺

五十年大旱

五十六年免直省地丁錢糧

五十七年詔寶慶屬錢糧於本年輪免

武岡實免銀二萬五千七百四十四兩有奇

六十年詔直省地丁錢糧分作三年輪免



仁宗睿皇帝嘉慶元年丙辰免天下錢糧

四月以秦漣為知州

三年詔寶慶府屬錢糧於本年輪免其續免十分之二均於嘉慶元年先行蠲免

五年庚申裁武岡營兵四十名歸鎮算鎮標

六年詔寶慶府屬地丁錢糧於本年輪免

武岡每年額徵銀二萬五千八百一十兩有奇除例不免淺船銀六十六兩零外實免銀二萬五千七百四十四兩有奇

九年甲子裁武岡營中軍守備並兵丁八名移撥黔邊黃茅坪改城步守備為中軍守備仍駐城步 詳兵書

十二年丁卯裁武岡營兵丁五十名 詳兵書

武岡州志

卷一 大政志

一三年大有年

十七年壬申大有年

二十一年丙子以許紹宗為知州四月大水

二十二年修州志成

知州許紹宗延新化舉人鄧顯鶴為編纂書成凡二十六卷

外篇四卷

宣宗成皇帝道光元年正月免積年逋賦

十二年壬辰四月大水入城

十五年秋免歷年逋欠

以立 皇后恩免

十二月獲齋匪程孔固



十六年丙申二月新甯搖藍正樽作亂犯武岡官軍擊走之

正樽初名元曠麻林崗人新甯搖生也與其鄰搖生藍年餘不睦訟於官不勝徙家圳源崗與搖人陳仲潮九龍寺僧張永祿善詭言初生時其母夢玉璽自天降其妻常夢見已身為雙龍又埋竹書於寺前面夜市火藥以放光永祿迹光之所起掘之得其書則言已將爲天子永祿驚率仲潮朝拜之以爲真有天命且請爲之招徒黨王又名者四川成都人道光十年以青蓮邪教誘愚民言習其術可以成仙佛武岡民程孔固拜以爲師又名令食長齋事無生老母神又授以龍華經懺悔經及坎卦圖章遇佛誕日聚其徒黨謂之作龍華會愚民翕然信之其徒遍武岡新甯境士大夫皆目爲齋匪

仲潮欲聚黨即入其教且言正樽有異徵於是齋匪中多欲從正樽起事矣仲潮永祿四出招匪徒盛稱正樽之富可以資生願入其黨者先給以錢壹緡以爲路費郡境貧民亦多從之正樽苦貲不足仲潮盡賣其產以助之又令黨中之富者皆賣其產有恡惜者即言事成之後除封爵外償以百倍且遍指富民田宅令其自擇於是皆竭產以助至十五年十二月正樽以武岡齋匪程孔固等多被拿獲恐已爲藍年餘所告會其黨於九龍庵將起事仲潮以招聚不滿千乃止或以告城步知縣戴鴻恩鴻恩使人偵之則已散矣是年二月初五正樽復集其黨三千於九龍庵僭稱衛王改元剛健追尊其祖考爲僞王以其黨羅才清蔣玉元鄒元佐爲僞大元



帥張永祿爲僞軍師陳仲潮陳九拔陳仲德爲僞敬賢司張學修張昌虎楊再先爲僞敬良司其黨能聚百人與出貲相助者皆封僞侯伯令再先撰僞詔作僞令十三條謂之王政正樽方受其黨朝賀所坐牀忽崩陷其黨失色散者幾盡鄒元佐羅才清跪邀於路留者僅千餘人初六日將犯武岡分其黨爲三使陳仲潮由安心觀蔣玉元由城步夫古山而自與羅才清張永祿自威溪先行與仲潮玉元會城下結兵丁王連爲內應使鄒元佐賫僞詔先一日入城令文武官納印讓城知州徐璿即下之獄倉皇令居民雜兵丁登陴守正樽以軍器不堅利恐民邀截詭以仁義之師誘愚民民有驚避者告以不妄殺且令其出貲相助民利苟免皆從之初七日

正樽犯武岡東門玉元已渡資犯西門軍士以紅衣礮未實火藥絀之使從南門入玉元從之至演武場千總張大宏以烏鎗殪一賊守備趙昇泰繼之殪數人紅衣礮發賊死者二十餘人乃退初八日賊至蔡家塘將反圳源崗鄉紳張謙恐其逸伏鄉勇於家祠盛供饋以邀賊賊信之入祠飲酒飲半醉伏發獲賊藍正大及其黨數十人賊黨起方持兵相拒而官兵適至又殺數十人餘眾皆逃初九日搜山復獲數十人及逆書刀仗又獲張永祿陳仲潮賊黨前後死者四百人正樽之會九龍庵也或以告城步知縣戴鴻恩且言縣人唐班亦從逆鴻恩先一日以公事出典史某使捕卒召班班至請質妻子於獄中而率鄉勇焚其巢典史不能決已而鴻恩至



即從之令城中民登陴守且令欄牛生員雷振聲藍某等聚鄉勇以堵圳源崗之南城步民始定正樽子琢玉將復率眾踞九龍庵初九日唐班率鄉勇焚其庵琢玉遂逃匿新甯士民亦城守故賊不得志

總督訥爾經額至寶慶遣兵勦新甯搖賊餘黨悉平之

二十年修學正署

二十三年有男化爲女

五月逆民曾如炷殺知州徐光弼焚高沙市尋獲如炷誅之

如炷性狡黠踞高沙市以賭局索詐人久之家頗富愈益橫市西洪崖盜藪也如炷結之皆爲用里人無敢與較州故饒米安化益陽多仰給之商民貿易資爲利湘鄉某市米高沙

武岡州志

卷一

大政志

四十

楊居南家如炷索其賄不得與其黨楊善芳楊善侯楊老六曾一得袁定魁於二十二年十二月邊米出境勒石河干某與居南訴於知州徐光弼捕其子嚴刑鞫之將置之獄如炷亦執居南子拷掠已而其子得釋如炷亦釋居南子光弼遣役捕如炷如炷拒之光弼聞於大吏檄營兵助之如炷聞率其黨抄居南家五月光弼率營兵捕卒往高沙捕如炷炷與其黨四十七人謀於鍾滄寺曾一得曰州官勢甚惡將甘心於子即如此官府得志矣後曰必窮治我黨不如約洪崖諸兄弟共殺之以懲來者官急時以數人償命可也如炷未決一得即至洪崖召賊賊麇至十七日光弼至舍州同署與州同師鳴鳳謀擒如炷兵勇皆舍關帝廟光弼抵如炷家索如



炷不獲焚其居一得鳴金聚賊黨圍署大聲呼光弼且言不出將縱火光弼單騎出將召兵勇鳴鳳及家人從至大門一得以槍刺光弼死又刺鳴鳳未殊及家人皆踣地一得退鳴鳳始得起眾昇之入署具稟告府於是賊黨掠街市有拒者即縱火焚之火二日不絕街市皆盡且遍掠近村居民民皆驚走如炷夜具舟將走益陽二十四日警報至寶慶署邵陽知縣胡廷槐以舟邏資水如炷至神灘渡聞水路邏卒甚嚴改從陸路憇西門將由牛鷗潭復買舟下或以告廷槐廷槐使人捕之則已走矣廷槐飛移新化知縣汪世澤世澤邏資水之大碼頭遂獲如炷及一得送府

巡撫吳其濬至寶慶六月永州總兵英俊以兵至捕如炷餘黨  
武岡州志  
卷一 大政志  
四十一  
皆伏誅

其濬聞警即率長寶道高人鑑承順知府隆恩衛州通判賈亨晉撫標右營遊擊李瑞往寶慶且咨永州總兵英俊以兵來會五月其濬至隆恩賈亨晉寶慶知府恒柱副將吉順督率兵卒堵截要隘嚴捕先後獲楊善侯等四十二人又獲會辛酉等三十二人其濬以聞戮如炷及其黨遂班師

二十五年移武岡千總於高沙市  
有木連理

二十七年丁未以謝廷榮爲知州

二十九年己酉配夏大饑

斗米錢五百文民皆菜色饑民或匿山中見負米而邀奪之



者

三十年<sup>庚戌</sup>髮賊洪秀全等起粵西始行團練

文宗顯皇帝咸豐元年<sup>辛亥</sup>

二年<sup>壬子</sup>二月以葆亨署知州

高沙旱

自五月不雨至於七月

八月粵賊洪秀全等寇長沙武岡戒嚴

三年<sup>癸丑</sup>大有年

斗米錢八十文

四年<sup>甲寅</sup>大有年

會匪楊燕山等肆劫拒捕獲其黨殺之燕山遁誅

武岡州志

卷一 大政志

四十二

燕山白焦團人素桀黠無賴為其父逐斥遂糾黨會茶與尹四黃腫梁一相等為匪首辰黔澍綏武邵羣不逞之徒多從之聚黨至二三千人盤踞黔陽沙灣一帶地方搶奪官船拒敵兵弁護理辰永沅靖道翟誥會營勦捕窮蹙瓦解燕山率其眾潛竄州屬羅空八面山翟誥飭知州任瑛督同州同劉鳳銜高沙汎外委鄧武硤口司巡檢陳耀源及鄰縣各率差勇圍山搜捕焚燬賊巢燕山等聞風先遁獲其黨有差四年十二月綏甯縣舒令密報燕山與尹四黃腫等三十餘人匿跡通道縣所屬沙泥巖坪地方移函會拏不果獲六年正月獲尹四黃腫解至中途服毒死而莫知燕山所在

初勸捐



湘陰郭嵩燾奉 欽差團練使曾國藩札委辦捐為勦髮賊  
籌餉故也

七月以任瑛署知州

五年卯大有年

三月雨雹

十七日大雨雹樹折枝屋瓦皆碎

六年丙辰初設釐局

新化典史趙森武岡學正歐壽樸奉巡撫駱秉章札委辦釐  
助餉設總局於州城內分局凡六一設高沙一設硤口一設  
石下江一設黃橋鋪一設竹算塘一設關家橋徵收貨物釐  
金有差

武岡州志

卷一 大政志

四十三

七年丁巳以汪敷灝知州事

廣學額

湖南巡撫駱秉章 奏準武岡捐銀一萬兩以上永廣文武  
學定額一名

秋蝗入境

東南鄉白倉塘田等團毗連邵陽東安秋間飛蝗入境知州  
汪敷灝諭令團保設局搜挖蝻子收買二百餘石次年夏湖  
南巡撫毛鴻賓頒布牆圍捕法撲滅甚眾

旋得大雨  
患始息

九年髮賊石達開等寇寶慶分股犯武岡新甯江忠義擊走之  
四月十八日賊分股犯州警報至知州汪敷灝始與局紳李  
代煇張玉臺等議城守求援於楚軍統將劉長佑別部江忠



義江以書白長佑身率所部來援營於北門總兵翟國彥亦繼至申令守陴賊乘夜梯城礮發斃數十人賊技窮遁走凡七日圍解自賊入境恣殺掠數千人城南及東鄉尤甚六月湖廣總督官文湖北巡撫胡林翼遣荆宜施道李續宜援寶慶擊賊破走州境解嚴

寶慶府城被圍九十餘日知府邵綬名與紳王承澤等堅守鎮筸田興恕新甯劉長佑湘鄉趙煥聯新化李有恆鄒漢章長沙劉培元水陸各軍相持日久賊勢甚熾湖廣總督官文湖北巡撫胡林翼遣荆宜施道李續宜率勇進攻由漾溪渡浮橋馳擊之內外夾勦一戰解圍賊死無算資水爲穢

勸捐

武岡州志

卷一 大政志

四十四

時髮賊犯境援兵募勇各口糧支絀無措因籌捐以資本州防堵之用

十一月復以謝廷榮署知州

十年髮賊復犯武岡前江西按察使鄧仁堃督眾防守賊乃遁賊攻陷綏甯城步十月初七日圍武岡前江西臬司仁堃暨其子候補員外郎繹督率花翎參府銜蔣大勝副將銜姜國勳梭巡策應賊不敢逼十三日旋竄去

設東征釐局

欽差大臣曾國藩以征江南髮賊乏餉飭武岡南釐局帶抽助餉俱依南釐局征收視南釐減半

勸捐



爲築砲臺及補修城垣故也

築砲臺補修四門城垣

知州謝廷榮奉文選派紳士勸捐督修於州城正北面建大砲臺壹座方長貳拾餘丈圓長四十餘丈東北建大砲臺壹座方圓長略同又築小砲臺五十二座修補四門城垣共八百六十三丈七尺五寸以是年正月興工十一年二月告竣費銀一萬八千四百七十六兩有奇

十一年

辛酉

廣湖南中式舉人額

永廣文武中式舉人額定各十名 又廣一次文武中式舉人各一名恭逢

穆宗毅皇帝恩詔又加一次文武中式舉人各九名

武岡州志

卷一

大政志

四十五

廣學額

湖南巡撫毛鴻賓奏準武岡捐銀二萬兩以上永廣文武學額定各二名 又廣一次文武學各三名恭逢

穆宗毅皇帝恩詔又加一次七名明年又廣一次文武學各二名 二月以袁青綬署知州

穆宗毅皇帝同治元年廷以蔡式鈺署知州

三月青龍團大風雹

壞民舍數十家古樹十圍有折腰拔根者

夏大饑

斗米錢五百文

二年癸亥廣寶慶府學額



廣西巡撫劉長佑 奉準未領援江餉銀四萬八千二百餘  
兩作為捐輸加寶慶府學文武額定四名又廣一次四名

兩江總督兼理鹽政曾國藩核定淮鹽運楚章程

章程凡八條詳見貢賦志鹽政

西路小坪東路油頭團建義學

五月田心團雨墨

雨如墨汗着衣皆黑

三年甲子諭各府州縣整理常平倉社倉

責成督撫隨時稽查常平倉社倉貯穀據實呈奏

詔裁兵額

八月有詔裁武岡兵一百零一名存實兵四百一十名徵本

武岡州志

卷一 大政志

四十六

色米一千四百七十六石詳貢賦志本色米

廣湖南中式舉人

永廣文武中式舉人額定各十一名 是年武岡加一次文

武學各二名

建團防總局

建義倉

湖南巡撫惲世臨札飭各府州縣捐集義穀以備荒歉委員  
陳有鑫吳錦章先後來州會同知州蔡式鈺辦理屬紳士鄧  
友仁鄧友直夏陳常等董收為倉六十四間以儲焉詳見貢

賦志

勸捐



邵陽訓導梁則尹奉湖南巡撫惲世臨札委來州辦捐

四年<sup>乙丑</sup>撤東征釐局

欽差大臣兩江總督曾國藩收復江南省城檄撤東征釐局  
前定東征收釐規條除零貨免收外各貨減半隨南局帶抽  
爲協餉

捐采芹經費

五月夏陳常雷俊章夏楚原鍾世禕等稟請知州臨桂黃維  
瓚出示量產均捐每徵銀一錢之戶輸錢八十文創立采芹  
義舉酌定章程稟州申詳立案凡文武新生入學填冊膳紅  
一歲科試報名冊費丁憂起復幫增補廩出貢各費均由公送  
概不自備公議兩學束脩每月各送制錢六十四千文書門

武岡州志

卷一

大政志

四十七

每月給薪資錢三十八千四百文遇閏照送府學文武新生  
每名送兩學修儀各錢二十四千文每名給書門共薪資錢  
十四千六百文府學補廩照新生樣備送自四年創始至十  
二年所存公錢暫借典商生息並續典田畝折收租錢詳見  
采芹紀原刊本及學校志

五年

<sup>丙寅</sup>廣學額

湖南巡撫李瀚章奏準武岡捐銀五萬兩以上永廣文武學  
額定各五名又廣一次文武學各二名

勸捐

長沙鄭先懋奉委來州辦新黔捐

六月以汪時涓署知州



六年卯以張典常署知州

九月復以黃維瓚為知州

七年戊辰勸捐

靖州直隸州蔡式鈺奉委來州辦米捐

彙旌列女

凡四百七十人

八年己巳大饑

斗米錢六百文知州黃維瓚平價發新積義穀饑民多所全

活詳見貢賦志

廣寶慶府學額

戶部咨開江西提督劉勝祥所部祥字營欠餉銀十七萬一

武岡州志

卷一 大政志

四十八

千餘兩永廣寶慶文武學額定各三名

九年庚午建旌表列女祠坊

為總坊三共登旌表貞孝節烈列女六百五十二人立主於

祠

修孝弟忠義祠

建鄉先生祠

修理鼇山書院

勸捐

署桂東知縣陳時森奉委來州辦協黔捐

二月以吳長清署知州

十年辛未以潘清為知州



建興賢局

局成公舉城鄉二人董其事管理采芹賓興鼇山書院周年一易率以為常

勸捐

學正黃簞臣訓導熊世昌奉巡撫劉峴札委辦援黔捐

十一年壬申蠲免民欠錢糧

大婚禮成免同治六年以前民欠錢糧

石下江大水

漂沒市舖民廬三十餘所田稼多衝塌溺斃者數人

勸捐

江藍理徭府文璞奉巡撫王文韶札委來州辦援防捐

武岡州志

卷一 大政志

四十九

十三年甲戌以張憲和權知州事

憲和有惠政裁革陋規約束胥吏訟為之簡按察使涂宗瀛檄州縣毋因詞訟取傳紙小費長吏或漫置焉憲和奉行甚力且勒碑於署垂諸永久士民德之